

Na osnovu provedenog postupka u skladu sa članom 90. Zakona o javnim nabavkama Bosne i Hercegovine, ("Službeni glasnik BiH", broj 39/14) i Pravilnika o postupku direktnog sporazuma („Sl. glasnik BiH“, broj 90/14) i na osnovu Odluke o izboru najpovoljnijeg ponuđača broj: 05.12.101-2777-Odluka o izboru najpovoljnijeg ponuđača/17, zaključuju slijedeće:

UGOVOR O JAVNOJ NABAVCI ROBE MEDICINSKOG NAMJEŠTAJA - OPREME

Ugovorne strane:

1. **JU Zavod za javno zdravstvo Kantona Sarajevo, kojeg zastupa *Dr.sci.med Snježana Balta, direktor***, (u daljem tekstu Ugovorni organ).
2. **"EMedIng" d.o.o. SARAJEVO, ul. Azize Šaćirbegović bb, 71000 Sarajevo**, u daljem tekstu: (Prodavac), koga zastupa direktor, **Amra Čurt** zaključili su:

I Predmet Ugovora

Član 1.

Predmet ovog Ugovora je kupovina MEDICINSKOG NAMJEŠTAJA - OPREME za potrebe JU Zavoda za javno zdravstvo Kantona Sarajevo, a na osnovu ponude, broj: ECP-080/17 od 12.06.2017. godine koja je u prilogu i čini sastavni dio ovog Ugovora.

II Ugovorena cijena

Član 2.

Ugovorni organ kupuje medicinski namještaj - opremu po ukupnoj cijeni sa PDV-om od **2.996,37 KM** a sve prema ponudi ECP-080/17 od 12.06.2017. godine
Iznos iz stava 1. ovog člana kupac će uplatiti na račun prodavca broj: **1861850310233140 kod Ziraat Bank Sarajevo.**

III Rok isporuke

Član 3.

Prodavac se obavezuje da će robu iz člana 1. ovog Ugovora, **isporučiti u roku od 10 dana od dana obostranog potpisivanja Ugovora.** Modifikacija rokova isporuke i uslova iz ovog Ugovora, uključujući bilo koju modifikaciju Ugovora i opsega isporuke, može biti sačinjena samo pismenim sporazumom između dvije ugovorene strane.

IV Obaveze prodavca

Član 4.

Prodavac se obavezuje da će:

- Isporuku robe iz člana 1. ovog Ugovora izvršiti u skladu sa tehničkom specifikacijom iz Ponude kao specijalizirano preduzeće za ovu vrstu poslova, a u skladu sa Ugovorom, zakonskim propisima, naloga Ugovornog organa, tehničkim normativima, pravilima i standardima struke za ovu oblast i vrstu poslova.
- Izvršiti isporuku predmetne robe u prostorije Ugovornog organa u objektima Dom zdravlja Vrazova br. 11 i u objektu Dom zdravlja Vogošća ul. Igmanska br.52.

V Obaveze Ugovornog organa

Član 5.

Ugovorni organ se obavezuje da će:

- Izvršiti obaveze plaćanja iz člana 2. ovog Ugovora.

VI Garancija za kvalitet isporučene robe

Član 6.

Prodavac garantuje da će isporučiti novu robu, nekorištenu, i garantuje da ista odgovara traženom deklarisanom standardu i propisima.

VII Raskid Ugovora

Član 7.

Pravo na raskid Ugovora zadržavaju obje strane u slučaju da jedna od ugovorenih strana ne ispunjava svoje obaveze, s tim što su obavezne da o svojoj namjeri pismeno obavjeste drugu ugovorenu stranu najmanje u roku od 30 (trideset) dana unaprijed.

Ugovorni organ može raskinuti Ugovor pod sljedećim okolnostima ako:

- a) Prodavac ne izvrši neku od ugovorenih obaveza
- b) Prodavac ne ispuni obavezu u roku navedenom u zahtjevu Kupca.

VIII Rješavanje sporova

Član 8.

Ugovorene strane će uložiti maksimalne napore, da sporazumno, u duhu dobrih poslovnih odnosa i uzajamnog povjerenja rješe sve eventualne sporove vezano za ovaj Ugovor i njegovu interpretaciju. U slučaju da se spor po ovom Ugovoru ne može sporazumno riješiti, nadležan je sud u Sarajevu.

IX Ostale odredbe

Član 9.

Sve promjene ovog Ugovora mogu se vršiti isključivo pismenim putem u vidu Aneksa Ugovora uz suglasnost obje ugovorene strane.

Član 10.

Ovaj Ugovor stupa na snagu danom potpisivanja od strane ovlaštenih lica ugovorenih organa.


Član 11.

Ovaj Ugovor je sačinjen u 4 (četiri) istovjetna originalna primjerka, po 2 (dva) za svaku ugovorenu stranu.

Član 12.


Ugovorne strane su suglasne da se za sve što nije regulirano ovim ugovorom primjenjuje Zakon o obligacionim odnosima.

Za kupca



DIREKTORICA
Dr sci. med. Snježana Balta, primarius,
Broj: 05.12.101-2777-Ugovor/17
Datum: 16.06.2017. godine.

Za prodavca



DIREKTOR
Amra Čurt
Broj: EMP-058/17
Datum: 28.06.2017.